

ներ արաւ՝ հայոց գործի յաջողութեան համար:

«Հայերը խնդրեցին որ ես իտալիայում պաշտպան կանգնեմ իրենց դատին, յենուելով նաեւ Ֆրանսայի արտաքին գործոց նախարար Պիլզոնի հետ ունեցած իմ բարեկամութեան վերայ:

«Ու Պիլզոնը պատասխանեց ինձ.

«Եւ ոչինչ ինձ այնչափ վիշտ չէ պատճառել, որչափ հայոց տառապանքները: Ֆրանսան պիտի պաշտպանէ նրանց ապագայ գոյութիւնը՝ տաճկական լուծից դուրս»:

«Մերակուտական (Իտալիոյ) Բողոքի միջոցով ես դիմում արի աշխարհու պետական գործիչ Լ. Բուրժուային, նա էլ այս պատասխանը տուաւ.

«Դուք կարող էք յայտնել մեր բարեկամ Լուցցատտին, որ ես միանգամայն հաւանութիւն եմ տալիս այն պայքարին, որ նա վարում է դժբախտ հայերի մարդկայնական եւ արդար դատը պաշտպանելու համար: Յուսանք, որ հաշտութեան բանակցութիւնների միջոցին եւ Ազգերի ազատ Դաշնակցութեան կազմակերպմամբ՝ արժանի եւ արդար հատուցումը կը տրուի այդ՝ երկար ժամանակ տառապած ազգին, եւ որ՝ ազատութիւնը արժանի հատու-

ցումը կը լինի նրա չարչարանքների փոխարէն (բարձր ծափեր):

«Ես կարծում եմ, որ Իտալիայի Խորհրդարանը ի դիտութիւն պիտի առնի երկնային խօսքերը ամենէն մարդասէր եւ ազատասէր պետական գործիչներից այս մէկի, որ իր Ֆրանսական սրտի մէջ միշտ էլ զգացել է տառապող մարդկութեան իրաւունքների իւրաքանչիւր մի դարկը:

«Յարգելի՛ պաշտօնակիցներ. ի՞նչ նոր փառք, ի՞նչ մեծ փառք, որ մեր ամենահեղինակաւոր նախարարները, որ մեր նախարարաց խորհրդի նախագահը եւ արտաքին նախարարը, երբ վերադառնան հաշտութեան բանակցութիւններից եւ ուրախ լուր բերեն այն մասին, թէ Իտալիան վստահ կարող է լինել իր արդար սահմանների համար, թէ՛ մեր ցեղակիցները վերադարձուել են իրենց սպասող մայր ժողովուրդի գիրկը, որ նրանք յայտարարել կարողանան նաեւ Հայաստանի կատարեալ ազատութեան մասին, որով նրանց նահատակութեան արմաւենին փոխուի ու դառնայ շատ դարերից ի վեր սպասող փառքի ու խաղաղութեան արմաւենի: (Բուռն եւ ընդհանուր ծափեր: Բարձրաձայն հաւանութիւն: Շատ պատգամաւորներ անձամբ շնորհաւորում են հոետորին)»:

## ՀԻՆ ՀԱՅ ՇԻՆԱԿԱՆՈՒԹԻՒՆԸ

Գրեց՝ ՊՐՈՓ. Ն. ԱԴՈՆՑ

### VI

Բարեկամական ուշադրութեամբ հետեւելով քայլ առ քայլ Յ. Մանանդեանի հետադատութեան, տարարախտարար, չեմ կարող յարել նորա յայտարարութեան: Չեմ տեսնում իրօք լուսաբեր շող, որ ընդհանուր տեսութիւններին, այդ եւ ոչ-երի, եթէ-ների եւ կարելի-ների վերայից անցնելով դար ընկնէր շինական երգիկից ներս եւ լուսաւորէր նրա մթութիւնը:

Մատենադրական նոր եւ փոքր ի շատէ արժէքաւոր նիւթեր չկան սեղանի վերայ: Կան

յայտնի նիւթերի օտարոտի եւ անկշիռ մեկնութիւններ:

Մատենադրական ցուցումները պահանջում են զուշաւոր վերաբերում: Նրանց արժէքը մերկացնելու համար բաւական չէ սովորական համեմատութիւնը, հարկաւոր է որոշ մեթոդ:

Հայ մատենադրութիւնը որքան եւ ծեր, աւելի մանուկ է քան նախարարական կարգի հիմնական հիւսուածքը: Նրա վրայ նստած է Արշակունի կնիք: Արեւելքում ֆէոդալականութիւնը նոյնքան հին է որքան նրա պատմութիւնը: Բայց այն ֆէոդալ կարգը, որ տես-